

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 524 del 11/03/2024**

**Traduzione in cimbro**

## **A djar vo “Mondo Trentino Village”**

[Cimbro] Khennen di trentinàr boda lem in aniaglan kantòu vodar bèlt un khennen soine stòrdje, auzbèkslnen idee un nützliche sachandarn vor berda lebet in auzlânt, leng panândar di esperientzan gelebet, machan prodjèkte pittnândar, darbischan oportunitét, auleng an viazo, vennen rispòste, nemmen toal in an laboratòr vor internatzionàl geschraiba, gian z’sega trentinàr khellerai in da gântz bèlt: allz ditza un vil ândarst iz “Mondo Trentino Village”, da social plattform, gântz ainfach boda sidar a djar iz online un boda, gianate vürsnen bart khemmen hërta mearar vornügart pitt ândre oportunitét, boda khemmen vorgelekk von toalnemmar sèlbart.

Da soin romai mearar baz 900 di “pürgar” vo disan virtuàl lânt boda bill khemmen z’soina a platz bodase vennen zo lega panândar daz sèll bosa bizzan un khânen alle di sèlln bodase höarn trentinar in da gântz bèlt.

Pitt disarn plattform defätte bölltma innvângen un machan a nèt看 vo alln in trentinar un von sèlln boda abestâmmen vo trentinar boda lem in auzlânt, in Trentino un in Bleschlânt.

Disarn kamòuschaf, boda tüat offe a interesântegez vestar afte bèlt, gemacht vo informatziongen un prodjèkte, nemmenda toal laüt pitt intersse, esperientzan un profesiongen gântz ândarst ma boda hâm allz ummaz lust zo stiana gepuntet pinn Trentino un pittar trentinar kamòuschaf.

Di plattform augelekk vodar *UMS Coesione territoriale e valorizzazione del capitale sociale trentino all'estero*, di struktür boda arbatet auzolega politike un prodjèkte vodar autonome Provîntz vo Tria vor di trentinar boda lem in auzlânt un vor berda abestâmp vo disan, iz khennt koprodjèktart pittar hilfe vodar feroine Trentinar in di Bèlt un pittar Uniong Trentinar Famildje in Auzlânt.

Innschraimse aftz <https://mondotrentinovillage.it/> iz dèstar. ’Z iz genumma inngem soin nâm, zuarnâm, zornirn soin profil un vennense pitt alln in laüt boda hâm genump toal in “Mondo Trentino Village”.

**Übarsetzt von Schaltarle vor di zung von Toalkamou vodar Zimbar Hoachebene**

(cdt)